

Kantonalno javno komunalno preduzeće
« GRADSKI SAOBRAĆAJ » d.o.o. Sarajevo
Srđana Aleksića 1, Sarajevo

UPRAVA PREDUZEĆA / V.d. Generalni direktor

Broj: 05/223

Datum: 08-04-2021

Na osnovu Člana 64. stav (1) tačka b), Člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14), člana 21. Pravilnika o nabavci roba usluga i radova KJKP „Gradski saobraćaj“ d.o.o, Sarajevo, na Preporuku Komisije za javnu nabavku broj: 4791 od 07.04.2021. godine u postupku javne nabavke roba: „Ukapljeni naftni plin LPG - LT 2035 B“, Uprava preduzeća / V.d. Generalni direktor, u ime Ugovornog organa, donosi

ODLUKU

o izboru najpovoljnijeg ponuđača
u postupku javne nabavke roba „LOT 2035B Ukapljeni naftni plin LPG

Član 1.

Prihvata se Preporuka Komisije za javne nabavke broj: 4791 od 07.04.2021. godine i Okvirni sporazum za nabavku robe: „Ukapljeni naftni plin LPG - LOT 2035 B“, proveden po Otvorenom postupku javne nabavke. Obavještenje o nabavci broj: 257-1-1-122-3-151/20 objavljeno na Portalu javnih nabavki dana 6.8.2020 godine i u „Službenom glasniku BiH“ broj: 50 od 14.8.2020. godine, dodjeljuje se ponuđaču „HIFA PETROL“ d.o.o. Sarajevo, Hotonj bb, 71320 Vogošća, na osnovu Ponude broj: 11320 od 27.08.2020. godine i broj: 4407 od 06.04.2021. godine pod uslovima:

- (1) Ponuđena cijena: 480.700,00 KM bez PDV-a odnosno
562.419,00 KM sa PDV-om
- (2) Period zaključenja Okvirnog sporazuma: 12 mjeseci od dana zaključenja okvirnog sporazuma
- (3) Rok plaćanja: do 60 dana od dana fakturisanja
- (4) Rok isporuke: 24 sata od dana prijema narudžbe
- (5) Garantni rok: 1 godina
- (6) Kvalitet robe: Prema tehničkim podacima i elementima ponude

Član 2.

Prijedlog Okvirnog sporazuma dostavit će se na potpis izabranom ponuđaču „HIFA PETROL“ d.o.o. Sarajevo, Hotonj bb, Vogošća u skladu sa članom 98. stav (2) tačka a) Zakona o javnim nabavkama BiH.

Član 3.

Za izvršenje ove odluke zadužuje se i ovlašćuje Sektor autobusnog i minibuskog saobraćaja, Odjeljenje javnih nabavki i FRS za realizaciju odluke

Član 4.

Ova Odluka će se objaviti na web-stranici Ugovornog organa istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova odluka stupa na snagu danom donošenja.

Obrazloženje

Postupak javne nabavke roba: „Ukapljeni naftni plin LPG – LOT 2035B“ pokrenut je Odlukom o pokretanju postupka javne nabavke broj: 05/481 od 6.8.2020 godine. Procijenjena vrijednost javne nabavke bez PDV-a je 556,600,00 KM za jednu godinu.

Nabavka je provedena Otvorenim postupkom javne nabavke. Obavještenje o nabavci broj: 257-1-1-122-3-151/20 objavljeno je na Portalu javnih nabavki dana 6.8.2020 godine i u „Službenom glasniku BiH“ broj: 50 od 14.8.2020. godine.

U otvorenom postupku javne nabavke „Ukapljeni naftni plin LPG – LOT 2035B“, u ostavljenom roku za dostavljanje ponude, ponudu je dostavio 1 (jedan) ponuđač, i to: „HIFA PETROL“ d.o.o. Sarajevo.

Komisija za javnu nabavku imenovana je Odlukom V.d. Generalnog direktora broj: 05/538 od 27.8.2020 godine. Komisija za nabavke, na dan utvrđen za otvaranje ponuda, dana 27.8.2020 godine je izvršila otvaranje ponuda i ocjenu prispjelih ponuda, o čemu je sačinila Zapisnik, u kojem je utvrdila slijedeće:

- da je ukupan broj prispjelih ponuda 1 (jedna) ponuda;
- da je blagovremeno zaprimljena 1 (jedna) ponuda.

Komisija za javnu nabavku dana 08.09.2020. daje Preporuku broj: 11907 kojom predlaže Upravi preduzeća da, na osnovu člana 68. stav (4) tačka j) i člana 69. stav (2) tačka d) Zakona o javnim nabavkama BiH, donese Odluku o poništenju postupka javne nabavke robe: Ukapljeni naftni plin LPG - LOT 2035 B.

Uprava preduzeće, u ime Ugovornog organa KJKP „Gradski saobraćaj“ d.o.o. Sarajevo, na Preporuku Komisije za nabavku donosi Odluku o poništenju postupka javne nabavke broj: 04/485 od 03.11.2020. godine. Odluka o poništenju postupka nabavke dostavlja se ponuđaču „HIFA PETROL“ d.o.o. Sarajevo, ul. Hotonj bb, Vogošća – Sarajevo, zaprimljena od strane ponuđača dana 6.11.2020. godine.

Ponuđač u zakonski ostavljenom roku, dana 12.11.2020. godine izjavljuje Žalbu Ugovornom organu na Odluku o poništenju broj: 04/485 od 03.11.2020. godine. Ugovorni organ je, razmatrajući Žalbu izjavljenu na Odluku o poništenju postupka nabavke, utvrdio da je ista neosnovana te je istu sa Izjašnjenjem broj: 15541 od 17.11.2020. i dokumentacijom prosljedio Uredu za razmatranje žalbi BiH na postupanje.

Ured za razmatranje žalbi BiH, Filijala Mostar rješavajući po žalbi žalitelja HIFA PETROL d.o.o. Sarajevo, izjavljenoj na Odluku o poništenju postupka javne nabavke broj: 04/485 od 3.11.2020. godine u otvorenom postupku javne nabavke „Ukapljeni naftni plin LPG – LOT 2035B“ donosi Rješenje broj: JN2-03-07-1-3339-7/20 od 3.12.2020. godine kojim se usvaja žalba i poništava Odluka o poništenju broj 04/485 od 3.11.2020. godine. Predmet se vraća ugovornom organu na ponovno odlučivanje.

Po zaprimanju Rješenja URŽ-a broj: JN2-03-07-1-3339-7/20 od 3.12.2020. godine i izreke u ovom Rješenju, Komisija za nabavku na sastanku održanom dana 15.12.2020. godine, zauzela je stav da je ponuda ponuđača neprihvatljiva za ugovorni organ primjenjući odredbe člana 68. stav (4) tačka j) i člana 69. stav (2) tačka d) Zakona o javnim nabavkama BiH.

Komisija za nabavke ponovo u Preporuci broj: 16827 od 16.12.2020. godine daje prijedlog Upravi preduzeća da se postupak javne nabavke poništi uz obrazloženje da je postupak nabavke roba: LOT 2035B Ukapljeni naftni plin LPG postupak sa promjenljivom cijenom, te da je Ugovorni organ prilikom procjene vrijednosti nabavke u skladu sa članom 15. Zakona o javnim nabavkama BiH predvidio maksimalnu procijenjenu vrijednost svih predviđenih ugovora za cijeli period trajanja Okvirnog sporazuma.

Ponuđač „HIFA Petrol“ d.o.o. Sarajevo je ponudio cijenu od 1,287 KM/l koja je 34,06% veća od njegove maloprodajne cijene u istom periodu, odnosno za iznos 0,327 KM viša po litru, što bi na planiranu količinu značilo da bi Ugovorni organ nabavku pomenute robe platio 165.462,00 KM više od tržišne cijene što je u suprotnosti sa Zakonom o javnim nabavkama BiH, Član 3. Opšti principi stav (1) obavezuje Ugovorni organ da je dužan da osigura pravičnu i aktivnu konkurenciju u cilju najefikasnijeg korištenja javnih sredstava, u vezi sa predmetom nabavke i njegovom svrhom. Također, Komisija je na osnovu izvještaja „Informacija o kretanju cijena“ Federalnog ministarstva trgovine objavljenog za mjesec juli utvrdila da je prosječna cijena Ukapljenog naftnog plina LPG iznosila je 1,07 KM /l a za mjesec august 1,05 KM/l, doke je ugovorni organ u augustu mjesecu zaprimio ponudu ponuđača HIFA Petrol d.o.o. Sarajevo i cijena za ovu robu iznosi 1,10 KM/l bez PDV-a, odnosno 1,287 KM/l sa uračunatim PDV-om. Činjenica je da je u periodu slanja ponude ponuđač „HIFA Petrol“ d.o.o. Sarajevo na prodajnom mjestu kojeg je naveo u ponudi (benziinska pumpa Adema Buće) imao je maloprodajnu cijenu 0,96 KM/l.

Obzirom da su cijene nafte i naftnih derivata u periodu razmatranja ponude niske zbog poremećaja tržišne potražnje u odnosu na protekli period, a kako se treba predvidjeti i rast cijena za ukapljeni naftni plin na tržištu, ugovorni organ ne bi mogao nabaviti količine koje su predviđene Okvirnim sporazumom za ponuđenu vrijednost od 556.600,00 KM, te da bi potpisivanje Okvirnog sporazuma na osnovu ponude koju je dostavio ponuđač bilo štetno za Ugovorni organ Komisija Upravi preduzeća daje ponovo Preporuku broj: 16827 od 16.12.2020. godine kojom predlaže poništenje postupka javne nabavke.

Uprava preduzeća, na preporuku komisije donosi Odluku o poništenju postupka javne nabavke broj: 04/588 od 29.12.2020. godine. Odluka se dostavlja ponuđaču „Hifa petrol“ d.o.o. Sarajevo dana 30.12.2020. godine.

Na Odluku o poništenju broj: 04/588 od 29.12.2020. god. ponuđač „Hifa petrol“ d.o.o. Sarajevo izjavljuje žalbu broj: JN-08/21 od 04.01.2021. godine (zaprimljena na protokol ugovornog organa 07.01.2021. godine. Zaprimljena žalba se ocjenjuje kao neosnovana i ponovo se sa izjašnjenjem prosljeđuje Uredu za razmatranje žalbi BiH na postupanje. URŽ razmatrajući žalbu ponuđača ponovo donosi Rješenje broj: JN2-03-07-1-138-7/20 od 28.01.2021. u kojem usvaja žalbu i predmet vraća na ponovno odlučivanje. URŽ u svom Rješenju navodi da će Ugovorni organ u ponovljenom postupku postupiti u skladu sa stavom URŽ-a i okončati predmetnu javnu nabavku u skladu sa zahtjevima iz tenderske dokumentacije i Zakona o javnim nabavkama.

Kako je ugovorni organ dva puta donosio Odluku o poništenju postupka javne nabavke, a URŽ BiH na izjavljene žalbe ponuđača donio Rješenja da se žalba usvaja, poništava Odluka o poništenju i predmet vraća na ponovno odlučivanje, Komisija za javne nabavke daje prijedlog Upravi da se uputi poziv jedinom ponuđaču „HIFA PETROL“ d.o.o. Sarajevo da izvrši korekciju svoje početne cijene iz ponude za nabavku robe: „Ukapljeni naftni plin LPG – LOT 2035B“, a sve u cilju okončanja postupka javne nabavke obzirom da sa ponuđenom cijenom od 1,10 KM/l bez PDV-a, odnosno 1,287 KM/l, a koja je za 34,06% veća od maloprodajne cijene, odnosno za iznos 0,327 KM viša po litru u trenutku predaje ponude, Komisija za javne nabavke ne može dati preporuku za zaključivanje okvirnog sporazuma iako je ponuda kvalifikovana i u skladu sa TD.

Na osnovu Zapisnika Komsije za nabavke broj: 2776 od 24.02.2021. godine Uprava preduzeća/Generalni direktor donosi Zaključak broj 05/102 od 24.02.2021. godine kojim se prihvata prijedlog komisije i daje saglasnost da se uputi poziv jedinom ponuđaču u otvorenom postupku da izvrši korekciju cijene, a sve u cilju okončanja postupka javne nabavke. Dana 24.02.2021. godine upućuje se ponuđaču „HIFA PETROL“ d.o.o. Sarajevo Poziv broj 2821 dana 24.02.2021. godine za korekciju cijene u ponudi dostavljenoj u postupku LOT 2035 B UKAPLJENI NAFTNI PLIN LPG.

Na upućeni poziv z akorekciju cijene ponuđač „HIFA Petrol“ d.o.o. Sarajevo dostavio je Ponudu broj 4407 od 06.04.2021. godine, u kojoj je izvršio korekciju početne cijene date u Ponudi broj JN-3002/20 od 28.08.2020 godine u postupku javne nabavke roba „UKAPLJENI NAFTNI PLIN LPG - LOT 2035 B“.

Komisija za javne nabavke je konstatovala da je ponuđač „HIFA Petrol“ d.o.o. Sarajevo smanjio cijenu sa 1,10 KM/l na 0,95 KM/l bez PDV, odnosno sa 1,287 KM/l na 1,11 KM/l sa PDV. Ukupna vrijednost ponude bez PDV je sa 556.600,00 KM smanjena na iznos od 480.700,00 KM.

Uvidom u OPC obrazac za prodajno mjesto navedeno u ponudi komisija za javne nabavke utvrdila je da je ponuđena cijena tržišna.

Na osnovu svega navedenog, nakon analize kompletne dokumentacije za predmetni postupak nabavke i ponude ponuđača „HIFA PETROL“ d.o.o. Sarajevo dostavljene u postupku javne nabavke roba: Ukapljeni naftni plin LPG _ LOT 2035B, a u skladu sa odredbama Člana 64. stav (1) tačka b), Člana 70. stav (1), (3) i (6) Zakona o javnim nabavkama BiH („Službni glasnik BiH“ broj 39/14), te člana 21. Pravilnika o nabavci roba usluga i radova KJKP „Gradski saobraćaj“ d.o.o, Sarajevo donesena je Odluka kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se podnosi ugovornom organu, u pisanoj formi, u najmanje tri (3) primjerka.



Za Ugovorni organ
V.d. Generalni direktor
Mr. Senad Mujagić

Dostaviti:

1. „HIFA Petrol d.o.o., d.o.o. Sarajevo, ul. Hotonj bb, Vogošća - Sarajevo
2. Upravi preduzeća/ Generalni direktor
3. Odjeljenje javnih nabavki (u spis)
4. Odjeljenje javnih nabavki
5. Odjel Interne revizije
6. Arhiva